



SHAKKII QURÂ€™™AANAA QULQULLEESSUF-Kutaa 1ffaa

Description

Qurâ€™™aanni kalaama (haasawa) Rabbal aalaminna akka taâ€™™ee fi qulqullummaan isaa hanga ammaatti akka tiikfame yeroo darbee ilaalle jira. Namoonni namoota daandii haqaa irraa jallisuuf halkanii guyyaa carraaqan, Qurâ€™™aana jijjiruu akka hin dandeenye yommuu beekan, namootatti shakkii naquu hojii ofii godhatan. Namoota qofa osoo hin taâ€™™in sheyxaanni keessaas shakkii namatti naquuf halkanii guyyaa namatti hasaasa. Kanaafu, Qurâ€™™aanni jecha ykn haasawa Rabbii taâ€™™uu isaa akkamitti beeknaa? Karaa baayâ€™™een beekna. Mee isaan keessa muraasa isaanii haala armaan gaditiin haa guduunfinu.

1.Shariâ€™™iyyi (karaa shariâ€™™aatin)- kuni keeyyanni (aayanni) Qurâ€™™aana keessa jiran Qurâ€™™aanni guutun jecha Rabbii taâ€™™uu kan agarsiisaniidha. Rabbiin (subhaanahu wa taâ€™™aalaa) ni jedha:


أَفَلَا يَتَذَكَّرُونَ الْقُرْآنَ وَلَوْ كَانَ مِنْ عِنْدِ غَيْرِ اللَّهِ لَوَجَدُوا فِيهِ اخْتِلَافًا
كَثِيرًا

â€œSila isaan Qurâ€™™aana itti hin xinxalanii? Osoo [Qurâ€™™aanni] Rabbiin ala kan biraa irraa taâ€™™ee, silaa isa keessatti wal dhabbi baayâ€™™ee arguu turan.â€• Suuratu An-Nisaa 4:82

Sheykh Abdurahman Saâ€™™diyyi aayaa tana ilaalchisee akkana jedha: â€œRabbiin kitaaba Isaa akka itti xinxallan ajaja. Kunis kan taâ€™™u hiiika isaa hubachuun, jalqaba fi dhumaa isaatti yaadan itti lixuuni. Dhugumatti Qurâ€™™aana irratti xinxalluun furtuu beekumsaa fi barnootati. Keeyrin hundi isarraa burqa, beekumsi hundi isarraa baafama. Qurâ€™™aanan imaanni dabala, mukni imaana qalbi keessatti lafa qabata.

Gooftaa haqaan gabbaramaa fi sifaata (amaloota) guutuu Isaa Qurâ€™aana beekan. Amaloota hanquu fi wanta Rabbiif hin malle Qurâ€™aanni namatti beeksisa. Karaa Rabbitti nama geessu, amaloota warroota karaa kana hordofanii fi yommuu Isa qunnaman wanta isaaniif qophaaâ€™e Qurâ€™aanni ni beeksisa. Diina dhugaa kan taâ€™ee sheyxaana, karaa azaaba (jahannamitti) nama geessu fi amaloota warroota azaabaa namaaf ifa godha.

Akkuma gabrichi Qurâ€™aana irratti xinxalluu itti fufuun, beekumsa fi hojii hojjachuun isaaf ni dabalama. Kanaafi, Rabbiin Qurâ€™aana xinxallutti ajaje, itti kakaase. Xinxalliif akka buuse akkana jechuun beeksiisa.



â€œ[Yaa Muhammad] [Kuni] Kitaaba barakaa, akka isaan keeyyattoota isaa itti xinxallanii fi akka warri sammuu qaban ittiin gorfamaniif jecha gara keetti buufnedha.â€• Suuratu Saad 38:29

Faayda kitaaba Rabbii irratti xinxallu keessaa tokko: namtichi kanaan sadarkaa yaqiina (mirkaneeffannaa guutuu) gaha. Akkasumas, jecha Rabbii taâ€™uu beeka. Sababni isaas, gariin garii dhugoomsu isaa ni arga. (Kana jechuun aayan tokko aaya biraa dhugoomsa ykn wal jabeessa). Murtiwwan, seenaalee fi odeeffannowwan dhugaan Qurâ€™aana keessatti bakka adda addaatti irra deddebiâ€™anii dhufanii jiru. Hundi isaanitu walitti galoo fi kan wal simataniidha. Gariin garii hin faalleessan. Haala kanaan Qurâ€™aanni guutuu taâ€™uu fi Rabbiin irraa akka taâ€™e ni beekkama. Kanaafi, itti aanse akkana jedhe, â€œOsoo [Qurâ€™aanni] Rabbiin ala kan biraa irraa taâ€™ee, silaa isa keessatti wal dhabbi baayâ€™ee arguu turan.â€• Kana jechuun Rabbiin biraa [kan buufame] waan taâ€™eef aslimaa wal-dhabbiin (wal faallessun) keessa hin jiru.â€•[\[1\]](#)

2.Aqliyyi (sammuu)â€œ Rabbiin subhaanahu wa taâ€™aala ilmaan namaa erga uume booda akkanumatti qajeelcha malee isaan hin dhiisne. Nabiyyoota erguu fi kitaabban buusun namoonni karaa qajeelatti akka qajeelan taasise. Seenaa dhala namaa keessatti nabiyyoonni hedduun ergamanii jiru. Garuu Nabiyyiin dhumaa addunyaa guutuuf ergamuun ergaan (risaalan) Rabbiin irraa dhufu xumuramee jira. Nabiyyiin dhumaa kuni Nabi Muhammad (SAW), kitaabni dhumaa isatti buufames Qurâ€™aana. Amma gaafin namni tokko of gaafatu qabu kana taâ€™a. â€œNabiyyin dhumaa erga ergamee fi kitaabni dhumaa erga buufame booda kitaabni kuni jijjiramu irraa yoo hin tiikfamin, namoonni akkamitti karaa qajeela Rabbitti nama geessu argachuu dandaâ€™uu?â€• Guyyaa Murtii Nabiyyiin nutti hin ergamne ykn Kitaabni qulqulluun nu bira hin geenye jechuun Rabbiin irratti mormii dhiyeessu dandaâ€™u? Kuni waan hin taanedha. Takkaa **Nabiyyiin ergamuu qaba** takkaa immoo **kitaabni nabiyyitti buufame qulqullummaa isaa eeggatee turuu qaba**. Filannoon 3ffaan hin jiru. Kanaafu, Qurâ€™aanni jechaa Rabbiitii fi osoo hin jijjiramin hanga Guyyaa Qiyaama qulqullummaa isaa eeggatee kan turuu jechuudha.

لَا يَأْتِيهِ الْبَطْلُ مِنْ بَيْنِ يَدَيْهِ وَلَا مِنْ خَلْفِهِ تَنْزِيلٌ مِّنْ حَكِيمٍ

حَمِيدٍ ٤٢

â€œSobni fuundura isaatiis taâ€™TMee duuba isaatiin itti hin dhufu. Rabbii Ogeessa Faarfamaa taâ€™TMee irraa buufame.â€• Suuratu Fussilat 41:42

Qurâ€™TMaanatti duraa duuban sobni wanti jedhamu itti hin dhufu. Kana jechuun beekumsa namaaf dhiyeessu keessatti sobni itti hin dhufu. Seerotaa fi murtoowwan kaaâ€™TMee keessatti sobni itti hin dhufu. Seenaa durii irraa wanta beeksisu keessatti sobni wanti jedhamu itti hin dhufu. Seenan ummata durii Qurâ€™TMaanni beeksisu hundi dhugaadha. Wanta gara fuunduraatti uumamu irraa odeeffannoon Qurâ€™TMaanni beeksisu hundii dhugaadha. Sobni wanta jedhamu itti hin dhufu.^[2] Sababni isaas Qurâ€™TMaanni Rabbii waan hundaa beeku irraa waan buâ€™TMee fi.

â€œBuufamuun Kitaabichaa (Qurâ€™TMaanaa) Rabbii Injifataa, Beekaa taâ€™TMee irraayyi.â€• Suuratu Ghaafir 40:2

Akkasumas, sheyxaanni namaa fi jinni Qurâ€™TMaanatti hin dhiyaatan. Hatuu, wanta isa keessa hin jirre itti seensisuu, irraa hirâ€™TMisuu fi itti dabaluu hin dandaâ€™TMan. Buufama isaa keessatti jechaa fi hiikan kan eeggame waan taâ€™TMee fi.^[3] Rabbiin ni jedha:

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ ٩

â€œDhugumatti, Numatu Qurâ€™TMaana buuse, dhugumatti Numatu isa tiiksas.â€• Suuratu Al-Hijr 15:9

3.Hanga ammaatti fakkaataan Qurâ€™TMaanaa dhabamuu fi ilmi namaa fidu dadhabuu

Qurâ€™TMaanni muâ€™TMijizaan (raajiin) kan guuttameedha. Jechoota muraasa fayyadamuun hiika balâ€™TMaa dabarsa. Kanaafi, seenaa keessatti tafsiiirri (ibsi) Qurâ€™TMaanaa kitaabban dhibbaatamatti lakkaawaman barraaâ€™TManii jiru. Barreessan hunduu ajaaâ€™TMiba Qurâ€™TMaana keessa jiru ajaaâ€™TMibsifate hin xumuru. Kanaafi, namoonni fi jinnoonni fakkaataa akka Qurâ€™TMaanaa fidu akka hin dandeenye Rabbiin jala muree dubbata.

قُلْ لِّئِنْ أَجْتَمَعَتِ الْإِنْسُ وَالْجِنُّ عَلَى أَنْ يَأْتُوا بِمِثْلِ هَذَا الْقُرْآنِ

لَا يَأْتُونَ بِمِثْلِهِ وَلَوْ كَانَتْ بَعْضُهُمْ لِبَعْضٍ ظَهِيرًا ٨٨

Jedhi, â€œOsoo ilmi namaatii fi Jinnooni fakkaataa Qurâ€™aanaa fiduu irratti walitti qabamanii, osoo gariin isaanii gariif gargaaraa taâ€™aniyyuu, fakkaataa isaa fidu hin dandaâ€™an.â€•
Suuratu Al-Isra 17:88

Kana jechuun ilmaan namaa fi jinnooni osoo wal gargaaranii fakkaataa akka Qurâ€™aanaa fiduuf walitti qabamanii, gonkumaa wanta Qurâ€™aana fakkaatu fidu hin dandaâ€™an.

وَأِنْ كُنْتُمْ فِي رَيْبٍ مِّمَّا نَزَّلْنَا عَلَىٰ عَبْدِنَا فَأْتُوا بِسُورَةٍ مِّثْلِهِ
وَادْعُوا شُهَدَاءَكُمْ مِّنْ دُونِ اللَّهِ إِنْ كُنْتُمْ صَادِقِينَ ﴿٢٣﴾

â€œWaan Nuti gabricha keenya irratti buufne irraa shakkii keessa yoo taatan, suurah akka isaa tokko fidaa. Dhugaa kan dubbattan yoo taatan, Rabbiin ala ragoota (deeggartootaa fi gargaartota) keessan waamadhaa.â€•

فَإِنْ لَّمْ تَفْعَلُوا وَلَنْ تَفْعَلُوا فَاتَّقُوا النَّارَ الَّتِي وَقُودُهَا النَّاسُ
وَالْحِجَارَةُ أُعِدَّتْ لِلْكَافِرِينَ ﴿٢٤﴾

â€œYoo hin hojjatin, gonkumaa hin hojjattan. Kanaafu, ibidda boboâ€™aan isaa ilma namaati fi dhagaa taâ€™e kan kaafirotaaf qophaaâ€™e sodaadhaa.â€• Suuratu Al-Baqarah 2:23-24

Yeroo Qurâ€™aanni buâ€™u Araboonni ogummaa hog-barruutin garmalee beekkamoodha. Walaloo irratti wal dorgomuu fi walitti dhaadachaa turan. Garuu yommuu Qurâ€™aanni buâ€™u wanti isa dorgomu hin argamne. Qurâ€™aanni walaloo akka isaanitis miti barreefama birootinis kan wal fakkaatu miti. Bifa (sytle) addaa kan qabuudha. Qureeshonni â€œKuni kitaaba akkami! wanta takkuu hin dhageenyedha.â€• jechuun ajaaâ€™ibsifachu turan.

Urga buufame kaase namoonni suurah (boqonnaa) akka Qurâ€™aanaa fidu hin dandeenye. Mee akka fakkeeniyatti kana haa ilaallu. Namni salaatu guyyaatti suurah Qurâ€™aanaa keessaa Suuratul Faatiha xiqqaate xiqqaatu siâ€™a 17 dubbisa. Seenaa keessatti, â€œYeroo 17 dubbisuun nu hifachiise. Suuratul faatiha haa jijjiramtu.â€• namni jedhe tokkollee hin jiru. Amma gaafin dhiyaatu kana. Seenaa keessatti kitaaba ykn barreefama kamtu osoo hin hifatamiin guyyatti boqonnaan (suurahn) isaa yeroo 17 dubbifamaa? Gonkuma Qurâ€™aana malee hin jiru. Namni barreefama tokko siâ€™a 2,3,4 irra deddeebiâ€™e dubbisuu dandaâ€™a. Garuu sani oli itti deddeebiâ€™e dubbisuu ni hifata. Haa taâ€™uu malee Qurâ€™aanni osoo yeroo kuma irra deddeebiâ€™anii nama hin hifachiisu. Jiâ€™a Ramadaanaa keessa namoonni si meeqa dubbisu? Akka seenatti siâ€™a 30 guutuu isaa namoonni dubbisan jiru. Qurâ€™aanni osoo jecha namaa taâ€™ee, namoonni hifannaa malee akkanatti irra deddeebiâ€™anii ni dubbisuu? Gonkumaa hin dubbisan. Kanaafu, Qurâ€™aanni jecha Rabbii oltaâ€™eeti.

Jecha Rabbiiti miti jedhee namni mormu yoo jiraate, Æwanta suurah (boqonnaa) QurÆ™aanaa fakkaatu fidi.Æ• jennaan. Kana yoo hin hojjatin, gonkuma gara fuunduraattis hin hojjattu. Kanaafu, ibidda bobaÆ™aan isaa ilma namaati fi dhagaa taÆ™e kan kaafirotaaf qophaaÆ™e sodaadhu.

Guduunfaa

Æ' QurÆ™aanni Rabbiin irraa buufamu fi tiikfamuu isaa karaa adda addaatin mirkanessun ni dandaÆ™ama.

Æ' Karaan jalqaba itti mirkaneessan QurÆ™aana qoÆ™achuu fi irratti xinxalluuni.

Æ' QurÆ™aanni osoo Rabbiin irraa taÆ™uu baate silaa jijjiramni fi wal faalleessun baayÆ™een keessatti argamaa ture.

Æ' Namoonni fi Jinniin fakkaata akka QurÆ™aana fiduuf osoo walitti qabamanii fakkaata isaa fidu hin dandaÆ™an. Sababni isaas, barnoonni fi beekumsi QurÆ™aana keessatti cuunfame wanta ilmi namaa walitti fidu miti. Seenaa darbee, wanta ammatti namaaf toluu fi wanta gara fuunduraatti dhufu hunda Rabbiin malee eenyutu beekaa? Kanaafu, QurÆ™aanni kalaama (haasawa) Rabbii olÆ™aanati.

Æ' Guddinni teknoloojii fi beekumsaa QurÆ™aana jijjiruu fi fakkaataa akka isaa fidu hin dandeenye.

Æ' QurÆ™aana keessatti wanti nama ajaaÆ™ibsisuu biraa, seenan isa keessa jiru qulqullinna kan eeggate fi gabaabinnaan kan dhiyaatedha. Maqaa namoota hundaa waamu fi wanta faaydi hin qabne odeessun seenaa hin dheeressu. Barnootaf wanta taÆ™u qofa seenaa keessaa baasa.

Kitaabban Wabii:

[1] Taysiiril Kariimil Rahmaani fii tafsiiril Kalaamil Mannaani-fuula 205

[2] [al-aqiidatul Islaamiyyatu wa ususuhaa](#) gabaabinnaan fuula 320irraa By Abdurahmaan Hasan Madiniyyi,

[3] Taysiiril Kariimil Rahmaani fii tafsiiril Kalaamil Mannaani-fuula 882

Date Created

May 12, 2018

Author

admin